



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ա. Դավթի 87ա

« 19 » հոկտեմբերի 2018թ.

Ո Ր Ո Շ ՈՒ Մ No. 3717 /09Ա

Չկատարված հարկային պարտավորությունները գանձելու մասին

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյանս քննարկելով <<ԱՐԳՈՀՇԻՆ>> ՍՊ ընկերության վերաբերյալ վարչական վարույթի նյութերը

Պ Ա Ր Զ Ե Ց Ի

Համաձայն հարկային մարմնում առկա անձնական հաշվի քարտի տվյալների <<ԱՐԳՈՀՇԻՆ>> ՍՊ ընկերության (ՀՎՀՀ՝ 04226514, հասցե՝ ՀՀ Արարատի մարզ գ. Այնթապ, 3-րդ փողոց, 16 տուն, պետական գրանցման համար՝ 77.110.834327) չկատարված հարկային պարտավորությունը <<27>> սեպտեմբերի 2018 թվականի դրությամբ կազմել է 1.718.164 դրամ, որից ապառք՝ 1.691.183 դրամ, տույժ՝ 26.981 դրամ:

Վերոհիշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն <<Վարչարարության հիմունքների և վարչական վարույթի մասին>> ՀՀ օրենքի 30-րդ հոդվածի 1-ին մասի, հարուցվել է վարչական վարույթ չկատարված պարտավորությունը գանձելու վերաբերյալ՝ վարչական ակտ ընդունելու նպատակով, որի մասին <<01>> հոկտեմբերի 2018 թվականին հարկ վճարողը ՀՀ ինտերնետով ծանուցման պաշտոնական կայքում տեղադրելու միջոցով պատշաճ կերպով ծանուցվել է, չի ներկայացրել վարույթի նյութերին ծանոթանալու համար և որևէ բացատրություն չի տվել:

Ընկերության կողմից կատարվել է 772.058 դրամ վճարում, որից եկամտային հարկ՝ 736.101 դրամ /ապառք/, սոցիալական վճար /ամսական/՝ 35.957 դրամ /ապառք՝ 34.984 դրամ, տույժ՝ 973 դրամ/:

ՀՀ ՊԵԿ իրավաբանական վարչության պետի կողմից 18.09.2018 թվականին կայացվել է թիվ 3132/09Ա որոշումը <<ԱՐԳՈՀՇԻՆ>> ՍՊ ընկերությունից 772.532 դրամ գանձելու վերաբերյալ: Կատարվել է վճարում, որի արդյունքում ընկերության պարտքը թիվ 3132/09Ա որոշման շրջանակներում կազմում է 13.054 դրամ՝ եկամտային հարկի գումար /ապառք՝ 8.586 դրամ, տույժ՝ 4.468 դրամ/:

Արդյունքում սույն որոշմամբ գանձման ենթակա օրենքով սահմանված ժամկետում չկատարված հարկային պարտավորությունը կազմում է 933.052 դրամ, որից՝

ավելացված արժեքի հարկի գծով պարտավորությունը կազմում է 278.139 դրամ, որից ապառք՝ 276.687 դրամ, տույժ՝ 1.452 դրամ, որն առաջացել է 2018 թվականի օգոստոս ամսվա ավելացված արժեքի հարկի հաշվարկից և ՀՀ հարկային օրենսգրքի 401-րդ հոդվածով հաշվարկված տույժից,

ռեզիդենտի շահութահարկի հարկի գծով պարտավորությունը կազմում է 372.269 դրամ, որից ապառք՝ 370.325 դրամ, տույժ՝ 1.944 դրամ, որն առաջացել է ռեզիդենտի շահութահարկի 2018 թվականի 3-րդ եռամսյակի կանխավճարից և ՀՀ հարկային օրենսգրքի 401-րդ հոդվածով հաշվարկված տույժից,

եկամտային հարկի գծով պարտավորությունը կազմում է 282.644 դրամ, որից ապառք՝ 264.500 դրամ, տույժ՝ 18.144 դրամ, որն առաջացել է 2018 թվականի օգոստոս ամսվա եկամտային հարկի և սոցիալական վճարի ամսական հաշվարկից և ՀՀ հարկային օրենսգրքի 401-րդ հոդվածով հաշվարկված տույժից:

Գանձման ենթակա չկատարված պարտավորության նկատմամբ օրենքով սահմանված կարգով և չափերով հաշվարկվում են տույժեր, որոնք ենթակա են կատարման մինչև սույն որոշման կատարման օրը՝ ՀՀ հարկային օրենսգրքով կամ օրենքով սահմանված կարգով հաշվարկված տույժերի հետ միասին:

ՀՀ հարկային օրենսգրքի 4-րդ հոդվածի 1-ին մասի 1-ին կետը սահմանում է, որ հարկը պետական և (կամ) հասարակական կարիքների բավարարման նպատակով Հայաստանի Հանրապետության պետական և (կամ) համայնքների բյուջեներ վճարվող պարտադիր և անհատույց գումար, որը վճարվում է հարկ վճարողների կողմից՝ ՀՀ հարկային օրենսգրքով սահմանված կարգով, չափերով և ժամկետներում:

Համաձայն <<Հայաստանի Հանրապետության 2018 թվականի պետական բյուջեի մասին>> ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են կատարվում նույն օրենքով նախատեսված հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով պարտավորությունների գանձման կարևորագույն հանրային նշանակությունը՝ **սույն որոշումը ենթակա է անհապաղ կատարման: Սույն որոշումը անհապաղ չկատարելը բավարար հիմք է տալիս ենթադրելու, որ հարկ վճարողը կարող է թաքցնել, փչացնել կամ սպառել հարկային մարմնի ընդունած իրավական ակտի կատարման համար անհրաժեշտ գույքը, ինչի արդյունքում հարկային մարմնի ղեկավարը ՀՀ հարկային օրենսգրքով սահմանված կարգով իրավունք ունի հարկ վճարողի գույքի վրա արգելանք դնելու մասին հանձնարարագիր հրապարակել:**

Վերոգրյալի հիման վրա, ղեկավարվելով ՀՀ հարկային օրենսգրքի 4-րդ հոդվածի 1-ին մասի 64-րդ, 66-րդ կետերով, 398-րդ հոդվածի 5-րդ և 7-րդ մասերով, <<Հարկային ծառայության մասին>> ՀՀ օրենքի 4-րդ հոդվածի 9-րդ մասով և <<Վարչարարության հիմունքների և վարչական վարույթի մասին>> ՀՀ օրենքի 55, 56, 58, 88 հոդվածներով՝

Ո Ր Ո Շ Ե Ց Ի

1. <<ԱՐԳՈՀՇԻՆ>> ՍՊ ընկերությունից գանձել 933.052 դրամ պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ՀԿ ապահովող ծառայություն:
3. Որոշման օրինակն եռօրյա ժամկետում ուղարկել հարկ վճարողին:

4. Սույն որոշումն ուժի մեջ է մտնում այն հարկ վճարողի էլեկտրոնային փոստի հասցեին ուղարկելու կամ Հայաստանի Հանրապետության հրապարակային ծանուցումների պաշտոնական ինտերնետային կայքում տեղադրելու օրվան հաջորդող օրվանից:
5. Սույն որոշումը կարող է բողոքարկվել վարչական մարմին՝ <<Վարչարարության հիմունքների և վարչական վարույթի մասին>> ՀՀ օրենքի 70, 71 հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ Վարչական դատարան:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ



[Handwritten signature]

Ա. ՄԱՅԱԿԱՆՅԱՆ

Ստացա որոշման օրինակը

Ստորագրություն

հարկ վճարողի /կամ ֆիզ. Անձի/ պաշտ. Անձի անուն ազգանուն

ամսաթիվ

Կատարող՝ ԻՎ ՀԳ բաժին,
գլխավոր մասնագետ
Անի Հովեյան, հեռ.0235-3-94-27